

Տե-բ-ը Ե-յուղի կոչեցեալ, յորում ասէին . մեք 'ի հարց և 'ի նախնեաց մերոց գորով հպատակ Օսմանեան Տէրութեան, զամենայն հարկս նորին անթերի հատուցանեմք մինչեւ ցայսօր . իսկ այժմ Մարտիրոս անուն վարդապետ ոմն հպատակ Պարսից և հետեւող Հայոց, յընթացս քանի ամաց վարեաց զիշխանութիւն Պատրիարքութեան Երուսաղէմի . զամենայն կալուածս և զստացուածո՝ թէ 'ի քաղաքի անդ և թէ յայլ գաւառս Կայսերութեան, վատնեաց 'ի կամս իւր և կորոյս եւ յիւրաքանչիւր ամի ժողովեալ զյոլով դրամս յազգէն Հայոց, առաքէ 'ի Պարսկաստան ընդ Զուղայեցի Հայս հպատակ Պարսից, եւ արար զմեծ վնասս վանաց՝ եւ հասոյց զրկանս աղքատաց . իսկ այժմ զոր ընտրեցաք՝ զայն կացուսիք Պատրիարք Երուսաղէմի, եւ զՄարտիրոսն զայն եւ զայլ Պարսկահայս 'ի բաց հանեալ արտաքսեսիք 'ի միջոյ մերմէ : Եհաս անդր և Եղիազար և նա եւս մատոյց զիր աղաչանաց, և վերստին հաստատեցաւ 'ի Պատրիարքութեան Երուսաղէմի, 'ի ՎՂ ճէմաղիւ Էվվէլ ամսոյ՝ \ ԸՂ (1671) : Էառ նաեւ Եղիազար հրովարտակ վասն նաւիրակաց Էջմիածնի, չ'ըջիւ 'ի գաւառս Օսմանեան Պետութեան :

Եւ զի ոչ կամէր Եղիազար գալ Յակոբայ Կաթուղիկոսի եւ չըջիւ 'ի Տէրութեան Օսմանցւոց և գնալ 'ի Կոստանդինուպօլիս, քաջ դիտելով՝ թէ այնու ոչ պակասին վէճք և հակառակութիւնք 'ի մէջ ժողովրդոց՝ յոչ խաղաղութիւն ինքեան, նմին իրի նախ ազգ արար առ կուսակալն Գամասիոսի Ահմէտ Փաշա, և ետ դրել նմա 'ի Գուռն վասն այնր, և ապա ինքն բողոք կալաւ առ Եսպարքոսն . զի մեկնեալ Յակոբայ 'ի Տէրութենէ Օսմանցւոց երթիցէ 'ի վանս իւր : Գրեցաւ հրովարտակ առ ամենայն դատաւորս և գործավարս քաղաքաց և դաւառաց, Զմիւռնիայ, Նիկովիդեայ, մինչեւ 'ի սահմանս Վանայ, զի ուր և ընդ ում իշխանութեամբ գտցի Յակոբ Կաթուղիկոս, մի տացեն թոյլ գալ 'ի Կոստանդինուպօլիս, այլ առանց յասպաղելոյ մի օր և մի ժամ, որոշեալ ոստիկանաւ ընդ արս հատարիմս, հսկելով և պահպանելով զցայգ և զցերեկն, զի մի և փոքր վնաս ինչ պատահեսցի անձին նորս, փութանակի հասուցեն զայն 'ի Վան քաղաք . 'ի \ Զիւգաստէ